

零都縣志

雩都縣志卷六

武事志

漢高帝五年灌嬰以使節略定江南城豫章置雩都築壘於縣南時尉佗寇境嬰將兵擊退雩人即其壘處立廟祀之名曰昌文侯廟今廢

吳嘉禾三年甲寅冬十一月廬陵賊李桓為亂邑大震五年丙辰中郎將吾粲獲李桓於雩都斬之

晉建載元年丁丑流寇杜宏因戰敗來奔太守虞潭將兵擊走之

宋泰始元年乙巳江州刺史晉安王子勛反齊武帝

雩都縣志

卷之六

武事

一

蹟時為贛令不從被南康相沈肅之幽之於獄族人蕭欣祖門客桓康破獄迎帝出肅之率將吏百餘人追擊帝帝與左右拒戰獲肅之避匿揭陽山中揭陽吳時縣名亦雩地所拆今屬甯都子勛遣其將戴凱之為南康相帝自揭陽聚眾擊走凱之據郡起義

梁太同八年壬戌安城人劉敬躬挾妖道聚眾轉寇南康

大寶元年庚午高州刺史李遷仕因甯都劉孝尚襲南康陳霸先遣周文郁侯安都杜僧明等築城於白口今湖漢二水交會處拒之相持百餘日次年三月

文郁擒遷仕送南康斬之是時南康郡在雩都灌嬰
舊壘

隋大業十二年丙子鄱陽林士宏據虔州稱帝雩都
已為所有日被兵寇至唐武德五年始平

唐光啟元年春南康盧光稠取虔州自稱刺史以雩都
譚全播為謀主是時王潮攻陷嶺南全播攻王潮取
其虔州天復中取其韶州以光稠子延昌守之

天祐六年梁開平三年秋虔州刺史盧光稠以州附於淮南
遣使請命於梁梁以為百勝軍防禦使

七年冬梁防禦使盧光稠卒譚全播立其子延昌

雩都縣志

卷之六

武事

二

八年冬百勝軍指揮使黎球殺盧延昌而代之梁以
球為虔州防禦使球暴病死牙將李彥圖自立譚全
播稱疾不出彥圖死州人相率詣全播第請之全播
乃起遣使請命於梁拜防禦使

十五年梁貞明年冬十一月吳主楊渭將劉信拔虔州
仍以譚全播為右威衛將軍領百勝軍節度使參郡志

按譚全播係雩都人是時西南隔絕雖不能奉命
於唐守虔七載亦有保境全民之功

宋建炎中周十隆張大閑謝凱尹寶謝小鬼等攻破
雩都及虔化瑞金等縣安撫使李綱遣州將何榮申

討之

紹興三年吉州盜彭友據固石洞悉衆為寇岳飛以武安軍承宣使平嶺表召赴行在江西宣諭劉太史奏飛兵有紀律令赴行在恐盜復起時彭友與虔州盜陳禹建連兵數十萬分據巢穴寇掠嶺表諸郡邑所在騷然帝命飛平之飛至虔中彭友自雩之固石洞悉衆迎戰躍馬馳突示其驍勇飛麾兵即馬上擒之奪獲被虜老弱二萬餘人餘酋退保固石洞洞高峻環江止一徑可入飛列騎山下令皆持滿黎明遣死士疾馳登山賊衆亂棄山而下騎兵圍之賊呼丐

雩都縣志

卷之六

武事

三

命飛令勿殺受其降帝手書精忠岳飛字製旗賜之紹定二年己丑秋九月石城張遇龍文勝反於平固破雩都及甯都石城瑞金興國五縣安撫使李壽明通判趙彥覃討平之

景炎元年丙子右丞相樞密使文天祥都督諸路軍馬入汀州遣督叅趙時賞督咨趙孟滌以一軍取道石城復甯都遣督贊吳浚以一軍屯瑞金復雩都明年天祥覺汀守黃去疾有異志移屯漳州龍巖縣時賞孟滌軍還惟吳浚不至未幾降元銜峻都命來說天祥降軍士洶洶天祥責以大義殺之衆心乃安丁

丑天祥自梅川出江西遂復會昌縣與元人戰於雩都大捷遂復雩都次興國縣開督府遣趙時賞等帥師攻吉贛諸縣斬汀州偽天子黃從軍勢大振臨洪袁瑞豪傑響應號令通於江淮會攻贛吉兵敗天祥遣孟灤收殘兵保雩都行府趨永豐就置會兵尋為追騎所及十月入汀州明年被元將張宏範執於五坡嶺後五年死節燕京

元延祐五年戊午冬十月里胥劉景周以徵括田新租聚衆作亂勅免新租招諭之

至正壬辰循梅賊攻雩都任贛州通判王榮忠守雩

都與戰凡三捷先是賊據甯都遂乘勝克復甯都賊又據興國榮忠督率精兵與賊戰於萬石生擒二百斬首百六十餘賊衆遂遁乃修葺城垣招復失業者五百餘戶建尊經閣誘掖士類不廢善教明年春賊陷會昌榮忠又分守雩都以援之廣募義兵練習武備置斜站以報警布三堡於近郊以為外防二月引兵復會昌三月援瑞金招復石城歸順者十五砦於是還雩相土築城不五月而竣事高厚為尺十有三周環里計者五門凡六上構城樓繚以櫓舍工築將畢十一月戊辰循梅賊數千攻雩榮忠率軍民布列

城上矢石齊發斃賊十之一翼日寇復張編竹箕駢負蟻集而前矢石不得入公命仲子薛徹收邑中銅鐵置冶液灼膚賊衆大潰開門追擊之邑始平雩民羅拜謝曰再生者公築城力也否則吾屬無死所矣後疾終於官民懷其德立祠祀之

明洪武十八年乙丑廣賊周三官謝仕真聚衆萬餘人入雩都與龍南信豐諸城焚掠甚慘明年統兵官尹和先用計擒賊二子乘勝討平之

二十三年庚午春正月山賊夏三等作亂總兵胡海副總葉昇討平之

雩都縣志

卷之六

武事

五

天順六年壬午流賊朱紹綱大掠雩境典史張勝率民陳世用等禦之同赴陣死

成化二十年甲辰閩廣流寇犯境時邑令羅肆率民禦之保固有方

正德四年己巳冬十一月二十三日禾豐走報有武平賊自長河饒村來時已昏夜城中人謂饒村距雩稍遠遂不為備賊兼程至是夜二鼓賊已紫水南五鼓渡河從城西角梯而入時邑僉事袁慶祥聞賊陷城出避萬壽僧舍賊從閣上邏得見其氣壯言正不加害次日賊恐官兵至撤營將去有陰留賊者因復

駐城中掠婦女二百餘人燒燬房屋殆半殺孫嘉亨等五人其留賊者賊疑之亦見殺

嘉靖三十九年庚申流寇自閩至騷擾境地凡三四月守埤者夜不得交睫又役貧衛富皆有懈心賊調知其故謀夜襲之計初更發自會昌峽夜半可抵城會過良蓬灘失利抵邑已向曉矣衆民於東關岸上鼓譟禦之保伍易懷灌發一矢斃其旗手賊氣大奪乃不敢窺城舟隨流下趨興國入吉安界
萬曆九年辛巳上吉鄉劇寇高魁一等嘯聚為亂邑令劉昌祚翦平之

雩都縣志

卷之六

武事

六

崇禎五年壬申粵賊數千人號鴉婆總流劫贛吉屬邑雩各鄉受禍甚慘贛閩二撫軍遣將協剿閩將追至泰和界賊窘就撫班師過雩秋毫無犯駐二日而歸

國朝順治元年甲申先為明崇禎十七年粵寇數萬自稱閩王總分部數十大營擄劫南贛二郡地方所過皆聞風震懾莫敢迎敵十月初旬賊衆蜂屯會昌信豐界地時邑廩生李蕙春於渭田團練鄉勇為防禦計賊至馬嶺唐村蕙春率衆堵截賊不得進維而分隊四集奄至禾豐蕙春鼓勵鄉勇揮刀突入賊陣斬賊

紅白旗總二人賊稍却旋賊衆拔營來援蕙春猶持
槩赴敵賊衆數萬我勇僅二百餘人衆寡不敵遂歿
於陣知縣張魯傳上其事於撫軍林一柱林歎曰禦
賊殞軀英風如在遂移文嶺北道于鉉檄縣議立祠
祀之于曰李生志在固圉殺賊殞軀烈士也給金致
祭該縣親行拜奠以慰英靈焉蕙春青年能文多智
略善騎射不幸而死於賊鄉邑之人咸痛悼之

順治二年乙酉冬十一月閩賊復擁衆數萬至雩南
岸擄船渡江攻具甚備邑令張魯傳督集壯丁於城
上矢石銃弩一時齊發賊舟不得泊岸會官兵以午

刻至城中出黍餉兵兵民相倚聲勢大振賊因拔營
南走是夜駐渭田左坑一帶連營百里奔信豐丙戌
賊就撫領家屬數萬自五月初七駐雩城七月初二
始徹營歸廣東城外房屋書院寺觀盡被拆毀各鄉
人畜擄殺殆盡

五年戊子二月土賊曾斌羅聚奎李德元李時李其
劉思等烏合千人分部豐勝豐渭豐新豐安四營窺
雩城虔撫劉武元發兵剿之駐雩郊城內居民餉兵
殺賊炮甫發即斃賊旗手賊氣奪遂奔回禾豐時有
訛言城中有與賊交通者撫軍發兵剿賊并察城內

情狀統兵諸將議先屠城而後擊賊適贛推官蘇峻大從甯都過雩雩民焚香城上自愬其誣峻大兼程抵郡白於撫軍申雪雩民受誣狀撫軍因遣飛騎止鎮將勿妄殺良民假二金爵以示信乃嘗讌會文武所共識者遂撤兵獨勦禾豐邑中生靈賴以全活先是屠城之令以某夜夜分炮三發為約城中人皆宰豕祀先祖家人聚食醉飽以待僂炮已二發哭聲殷地飛騎至得全皆慶更生因為祠祀蘇公曾斌贛縣人羅聚奎李德元李時李其劉思等皆廣東人住雩之禾豐下渭等處其後雩紳士指名控縣令薛枝華

乃檄禾豐土人不為亂者漸次捕殺之及頭目數十人境地始靜

八年辛卯甯都劉若一傭力北鄉賴村宋氏勾引伊邑黃村寇郭達伯入鄉殺人無數於賴村之三角塘合村受禍甚慘

十三年丙申二月土賊何輝明與興國梅窖洞賊曾拱辰劉元谷等相倚肆劫掠凡雩都及永豐萬安泰和諸縣境皆受其害窖洞最險週圍高山巖穴相連賊據峒口起樓而築牆蔽之牆外為深坑炮自樓發官兵進攻無計虔院佟國器教諸將以竹篾運石填

放大炮燒燬角樓乃得近峒據險築圍遏其出入門路困之數月而斃土賊無倚亦遂散

十七年庚子春平劇寇李玉廷玉廷廣東人初傭工為生順治四年殺人拒捕遂集粵衆盤踞佛漣里之老虎山小莊等處肆行劫掠經虔院劉武元擊降之既而復叛虔院佟國器發兵前捕玉廷進踞龍溪山官軍不能勦遂乘勢鼓衆大亂出劫東北鄉水頭崇賢安平長樂里佛漣安仁青塘坎田八里中人民廬舍焚殺殆盡及蘇宏祖為虔院急討之而邑令李祐之歷任已深偵知賊勢與諸將密謀降其腹心張甯

等數十人玉廷勢蹙匿於九山田舍庚子春獲之解送軍門梟首示衆

康熙十三年甲寅海上遺孽鄭錦擁衆寇漳泉二州屯田贛興二邑將校多鄭舊部與之相通賊總朱明張瞎子因盤據興邑崖石復聯結零之雲霄鷓鴣搖籃等砦聚衆數千攻破長興里天華山殺戮殆盡擄掠一空自是聲勢大震乙卯三月賊擁衆至邑北郊縣令張湊令閉城門戒嚴靜守勿許一人登城恐中賊矢炮致亂人心賊衆遙見城樓之上旗幟飛揚人馬如簇遂股栗潛退殆有神助焉丙辰賊退掠大小

禾溪等村聲言刻期破雩城殆似有內援者是夜贛
遊擊許盛以奇兵襲破之追斬無數十八年己未六
月

欽命大將軍尚之孝統兵進剿築長圍困之知賊峙糧在
乾田寨引兵燒其積聚賊窘就撫邑人易學實有宣
義大將軍平寇碑記

十五年丙辰閩逆偽將軍劉應麟自汀州出陷瑞金
會昌乘勢欲下雩都虔鎮哲爾肯遣游擊許盛領兵
鎮雩四月將進復會昌偵知珠蘭涼蓬等處伏大炮
斷我兵路爾肯以計獲賊幟令我兵執以進賊不疑

雩都縣志

卷之六

武事

十

盛以夜三更率勇健疾趨過之次早水陸並進駐會
昌田岸而賊始知初十日雩都報急盛夜張營添壘
增竈分兵出援及會昌峽與賊遇敗之兵至丞口復
偵知崖寇勾連閩逆駐水頭老虎坑將合攻取雩盛
至雩令所部排舟揚帆而下佯為贛有急欲回策應
者雩人號哭遮留不顧而行是夜潛師棄舟分三路
直搗賊營斬首千餘級梟偽副將張進等四人陣擒
偽副將偽守備各一人賊因潰走

十六年韓大任據吉安自雩都汾坑渡河急攻鷓鴣
老新二寨爾肯竭力守禦隨機剪撲開復萬安泰和

二縣以通江西糧運陞廣西提督

五十二年癸巳南鄉小溪佃民邱蘭秀陳萬餘丁介卿等以除賦捐租鼓衆圍田主趙唐伯庄唐伯走報縣招諭不從廣人馬天祥程文如林相爵謝懷明等相煽四起聚黨千人乘勢劫掠僉憲陳良弼總鎮韓祖蘄以副將周冠二人督兵鎮雩八月十五日賊衆自禾豐來屯水南周冠二副將率兵暗自東西分渡緝捕得吳齋公賴匡伯徐得萬許敬先等四十餘人監禁於獄九月僉憲陳總鎮韓駐雩賊復屯聚禾豐將加剿洗盧令振先不肯出結因以十一月與賊戰

禾豐之上堡擒其首賊陳萬餘等梟首示衆黨乃散明年盧令陞沔陽州郡守黃汝銓攝縣出所捕賊於獄杖斃吳齋公等三十餘人枷賴匡伯徐得萬許敬先於四門以死凡脅從為亂者皆大赦

咸豐三年癸丑粵匪竄江土匪竊發地方多被蹂躪撫軍張芾札飭團練協助官軍知縣潘毓瑞諭紳董聯甲派丁練勇堵剿選調四鄉壯丁八百名在城防守七月泰萬逆匪黃蠟梨等竄攻興國逼近縣境毓瑞調團勇赴隘堵禦城賴以安十月十二日該逆分竄北鄉銀坑一帶滋擾經舉人洪霖督勇迎剿十三

日追至曲洋地方該處團紳羅玉麟督勇周先惠等會合官兵圍殺陣擒二十餘名解縣斬首即時殄滅五年乙卯十二月興國梅窖土匪竄擾北鄉青塘一帶經舉人何戴仁等率團勇會官兵初五日擊退殺賊多名燬賊首謝竒柏果擒獲謝竒思等三名解甯都州斬首

六年丙辰正月二十五日賊陷吉安城巡道周玉衡陣亡各處土匪蜂起時匪首黃老八曹皮罩撈李鐵皮等潛往吉安勾引股逆四月二十六日駐紮三門灘羅凹集該處小溪黎村及石溪壩等處土匪數千

二十八日直攻縣城時知縣顧友仁在北鄉號名鄉團未至次日申刻城陷店舖民居一搶如洗文武各廟俱被毀賊衆盤踞五月初三日潮州鎮壽山帶勇數千至友仁會同前任潘毓瑞各帶鄉團隨同攻剿十八日用地雷炮轟開北門城牆數丈斃賊千餘由大西門潰走友仁與前任蓮花廳縣丞許彤封帶勇截殺力戰陣亡時贛城圍急壽鎮沿江往援賊復踞雩城六月初五日偽監軍遣賊十餘名沿河封船經舉人洪霖撥勇三十名至鯉汾擒賊八名就地斬首時潘令在雩北鄉勸辦團練大舉義師尅期進剿逆

探知將遁六月二十五日遂率勇乘機克復諭城鄉
設局防剿七月初八九日會同興國武進士韓進春
邑舉人洪霖廩生王允祥生員張炳等各帶勇捕剿
各處土匪連日擒斬無數焚燬賊巢十八日土匪滋
擾青塘舉人何戴仁等督勇剿散二十二日葛垵土
匪滋搶經團勇隨同官軍擒殺殆盡二十六七日
贛安信三處逆匪數萬聚小盆竄至牛嶺馬嶺焚搶
貢生張鵬舉廩生張炳生員袁文燮等帶勇擊退擒
斬數十名二十八日賊復撲牛嶺焚搶八月初四日
賊仍蜂聚偵探我軍虛實張炳等各帶勇進剿追至

小盆擒斬甚多焚燬賊巢十一日賊擾馬嶺張炳與
職員袁傳楷等率勇擊退十五日賊復來撲張鵬舉
等分調團勇會同軍功蕭勝督帶官兵堵於馬嶺楓
樹岡併力攻剿三戰三捷殺賊三百餘名直追至牛
嶺竦賊遠遁十八日贛縣長樂股匪竄西鄉羅家渡
經團首貢生林根深陳錫周廩生朱戴梯等帶勇殺
退賊集黨羽萬餘復屯小盆二十六日竄馬嶺張鵬
舉張炳袁文燮等各帶團勇分路出擊賊恃衆拒敵
二十八日張鵬舉袁傳楷蕭勝率勇官兵千名迎剿
該逆直撲均竹隘口初以弱兵誘之左右山僻埋伏

勁勇各五十名賊甫近兩路伏兵殺出張炳分撥溜頭把隘勇一百五十名從均竹庵隴坑殺出四面兜剿血戰四時賊潰斬馘千餘奪獲器械無數追至馬嶺嶼十五里許方收隊於是賊遠遁退入信豐界八月十二日匪首謝竒柏糾謝明昱等滋擾北鄉青塘何戴仁等集勇二千餘名於二十二日出隊斃賊甚多謝竒柏受傷遠遁餘黨潰散九月初五日逆偽軍帥李福壽仔由信豐賊營來馬嶺偵探守隘官兵捕獲訊明斬首十月十八日牛嶺局報賊聚小坵欲報前仇張鵬舉選撥張袁各姓壯丁五百名奮力剿退

陣擒賊帥劉老五送縣斬首賊退入信豐七年丁巳正月二十二日盤踞信豐逆首何名標聚韓坊等處希圖下竄時統長洛勇鄭連茹截戰陣亡該逆益肆猖獗嶺團首張鵬舉張炳等會同官軍劉祥領嘉勇團勇千餘由小坵進剿數獲勝仗賊遶路竄安雩界我軍馳剿二月二十六七八等日賊潰復退入信豐會大股前二十二日永豐樂安等處逆匪陷甯都州城窺伺雩境潘令調派四鄉團勇貳千名復札舉人何戴仁帶團勇隨同官軍晉勇進攻州城踞賊三月初十日遇賊於羅石鋪各軍奮勇衝殺追至城下

賊退入堅守不敢復伺雩境三月十九日信豐圍城
逆首何名標統髮逆十餘萬竄至牛嶺馬嶺焚擄搶
殺二十日黎明直撲**峇**嶺村均竹隘口貢生張鵬舉
等督勇分路迎敵賊衆沿山擁來血戰半日奈衆寡
不敵我勇枵腹力竭致敗貢生張鵬舉力戰陣亡屍
首碎裂上其事於撫軍奏奉

上諭賜卹如例並准城鄉建祠是時**峇**嶺被陷先後陣亡
殉難者數百人民居焚掠殆盡南鄉各村堡均遭荼
毒張炳張金榜楊烜等集勇分路追剿連日殺賊多
名二十四日賊至縣城南岸將鳧水撲城舉人洪霖

雩都縣志

卷之六

武事

十五

拔貢蕭斐督壯勇渡河奮力擊退賊聚屯禾豐水鏡
堡不敢撲城四月初一日前逆廣東賊另股擁衆數
萬由山路竄東鄉固院梓山屯紫初六日竄北鄉龍
頸壩寒信峽車頭一帶初七日由車頭僻路竄汾坑
初八日早竄鯉汾曲洋大田等處軍功周先惠力戰
陣亡武舉羅國元生員楊世琢監生謝紹祧武生謝
文堦俱不屈死所過之處焚據搶殺慘不堪言後股
何名標亦於初八日統衆十餘萬竄紫固院等處時
頒請潮勇一千名駐雩防剿初九日壽鎮營弁卓勳
督□□□名及引路勁勇於四更時分潛往固院

襲擊賊營逆措手不及剿殺數百名初十日賊懼即由固院渡河竄塘田山下經生員謝為霖等連日督勇堵截至十五日五更時分賊領大隊擁至鄉勇寡不能敵謝家被害滋甚賊乘勢竄水頭大小禾溪十六日賊由虎坑攻長樂里隘口生員鍾際雲謝炳麟軍功李文盛等督勇堵剿連戰數日殺賊多名二十二日賊拔營蜂擁我軍迎敵力戰四時殺賊數十名賊稍退值大雨傾盆田勇暫息賊衆漫山遍野衝入殺掠焚劫倍甚巖前橋頭各有石巖寬厰居民避匿甚衆賊用風車絞烟火入巖死者數百人二十六日

竄甯都經過地方均被害五月初六日土匪千餘聚屯銀坑墟橋頭團首李文盛謝庭香賴文炳李煥文帶勇進剿殺賊五十餘名餘匪潰散初十日另股逆匪竄入安零交界之黃沙山坑峯嶺團首張炳張來源帶勇追剿陣擒匪首二名殺髮逆十七名餘遁十四日北鄉謝村逆首謝奇柏顏屋謝恩炳大田張書愼甯都謝福蘭謝明思等招集土匪勾引州城髮逆數千蜂擁直撲興仁村張姓措手不及暫避圍寨連放號炮即經橋頭團首謝庭香李春臺賴文炳李春芳謝炳麟李文盛等督率團勇在石門進剿琵琶龍

團首陳昌謹李名章鍾啟詳鍾啟麟督率練勇五百名由龍涇口進剿兩路夾攻自辰至午二處礮石交加併力衝殺賊敗自相踐踏適銀坑團首洪泰福陳宗舜督團勇三百名至乘勝兜殺斃賊千餘生擒數十解縣斬首奪器械旂幟無數各勇全軍凱旋三十日該逆招引州城踞賊屯紮大田曲洋希圖報復經陳宗舜監生謝啟龍武生謝文梅文童陳顯修謝文供等糾集各處團勇擊退斃賊數十閏五月初二日逆首謝奇柏等復結連州城髮逆拔營擁來屯紮虎井賴村虎視雩境經四鄉團首督率田勇萬餘各帶

乾糧戮力剿退復入州城時舉人何戴仁洪霖先於五月二十六日奉巡道汪報閏札令帶團勇三千名攻剿甯都踞賊隨會該州職員廖昌謨團勇奮力進攻賊潰遁閏五月初四日克復州城該逆退猶未遠初十日回撲州城何戴仁等督勇擊退十七日賊集瑞石股匪復攻州城前勇會合剿殺賊乃遠遁十一月初七日撫建大股髮逆圍攻甯都州城與縣毘連知州潘毓瑞札調舉人何戴仁洪霖等各帶團勇馳赴援剿自十一日至廿五日前後數十戰殺賊無數賊遂股慄於廿六夜潛遁州圍雖解我軍尚在隘口

防堵詎吉安水東大股髮逆由捷徑上竄十二月初一日突圍雩城西北時城中兵寡糧少知縣楊毓藻會商城局紳首樂安教諭管遇春拔貢蕭斐等札調四鄉團勇進城保衛廩生王允祥周育萬朱戴梯各帶團勇二百名生員廖勛監生郭鳳翔軍功朱敬先張標等各帶勇百餘名州同銜李朝侃帶勇百名自備口糧復調四關廂田勇八百名在城日夜嚴密禦剿初五日武生謝茂華帶勇數百名入城保衛行至高公祠遇賊接戰被賊四面圍困拔劍砍賊馬足勇被衝散力戰陣亡於是外援隔絕城中之勇因戰久

力竭火藥不敷至十三日辰刻賊由小西門北門二處用地雷炮轟倒城牆數丈該逆蜂擁入城我軍猶奮勇血戰奈衆寡不敵腹枵力竭文武官紳男婦老幼計萬餘口皆遇害有不甘受賊刃積薪自焚及投塘死節者數家惟前任典史謝紹鈞係廣東平遠人已經革職匿城通賊城陷仍與賊居遊數旬始潛逃人痛恨之

咸豐八年戊午正月初二三日貴州鎮遮克敦布統領飛虎軍由西鄉水陸進剿四鄉團局俱各帶勇隨同攻城經戰兩月遮鎮親冒鎗礮身先士卒各軍感

激奮勇爭先賊屢敗懼我軍威三月初一日由北路遁初二日克復城池十月閩汀股逆數萬由會昌西岡竄擾禾豐小溪二十七八日經團首張炳楊烜等帶勇截殺剿退直追至安遠唐村大獲勝捷奪賊馬三匹器械無數

同治三年甲子春南京敗匪竄擾江省撫建甯都一帶七月二十三、四日逆匪圍城知縣劉長景率勇迎擊并跟踪渡河追剿詎料二十五日後股逆匪猝至未及回援致陷縣城二十八日巡道王文瑞統領大軍由甯都一路追剿克復縣城逆敗走南鄉徑竄信

豐文瑞委興仁司鄒汝銓暫攝縣篆八月三十又有瑞金敗匪萬餘一日夜兼程猝至襲陷縣城札調四鄉各團勇奮力圍剿該逆度力不支於九月初六日夤夜潛遁於是賊跡遠颺境內肅清零邑之民從茲始得安享太平矣

關津志附橋樑義渡

雩地非通衢自漢以來並無關榷然附城居民自置里門以衛星廬亦謂之關攷縣治舊關有三

東關在起元門外今圯

西關在西成門外

北關在望闕門外

以上三關有關之名而司關不設無所謂厲禁也其在鄉居民依山設險則謂之隘關屬人工隘由天造承平可夷為孔道有事亦藉以堵防故附於後

雩都縣志

卷之六

關津

二十

隘

佛婁隘 葛垵隘在縣東北長興里

龍潭隘 礫下隘 峽口隘 馬蹄隘 牛嶺隘俱在西南唐村里

左坑隘 豐田隘在縣東南雩化里為閩廣阨要之路

銀坑隘在縣東北安富里明宏治間張璉設

青塘隘在縣西北青坎里宋紹興三年岳武穆平洞寇特置

橋

阜民橋 朝佛橋俱在東門

雙橋在東郊邑人吳標修後圯郭田陳序昭重修道
光壬寅水圯序昭四世孫監生宗岱復修

由義橋在縣東 永安橋 攝虹橋俱在東南廂

西成橋在大西門 東溪橋 禾溪橋 黃金橋

利涉橋 唇口橋 石陂橋俱在縣北

下耆橋 唐村橋 峽尾橋 筠竹橋 太白橋俱

在縣西南唐村里

佛婁橋 興仁橋 洋河橋俱在長興里

雩都縣志

卷之六

關津

二十一

豐隆橋在禾豐上堡隆安典史邱昭燾捐修

世美橋在謝村鄉賓謝大宮捐建

綿遠橋在唐村里礫下孫世涑捐修

興盛橋 廣蔭橋俱在唐村里礫下孫經理捐修

濟人橋在禾溪舖陳奮千捐修

月昇橋 迎盛橋俱在唐村里監生華克剛捐修

寒信橋在寒信峽監生王叙九捐修

灣塘橋在大坪張學元捐修

吉人橋在賴村桃花壩職員宋爾朝捐造

興隆橋在長樂里長灘口監生李月興捐造

花萼橋在長樂里欄干前竹頭下監生鍾學玦兄弟捐造

長樂橋在長樂里欄干前鍾學璣鍾學玦王容光謝起憲共建

延年橋在長樂里上逕大面口監生李贊襄兄弟捐造

復興橋在坎田市上游合坊共建

樂善橋在坎田南青萬壽宮前合坊共建

奠安橋在坎田赤嶺下水口合坊共建

隱濟橋在坎田水口義士曾泰臨倡建

小嶺橋在金溪小嶺水口石橋二座郭著文捐修

相龍橋在北鄉琵琶龍村鍾姓建

紫微橋縣北七十里下方屋祠右咸豐六年監生方

舍青捐造

新村石橋在長安里謝村堡宋從先堂捐造

謝村堡石橋二座宋聲遠捐造修路數里

文星橋在仙霞貫觀昔垵方祿才捐造

延壽橋在葛垵監生葛錦春廩生葛其香兄弟建

義渡

攀桂渡在南薰門外即今義渡明邑孝廉易學實倡
設并立庵於南岸又置新陂涇口石鼓三處田租
七十八担以贍渡夫康熙己未安遠堯仲宏堯亦
士各置田九十石為遞年造舟及供佛齋僧之費
次因庵僧盜賣田租堯姓將其所置之田取回後
南鄉八堡又續置田租咸豐七年庵船俱被賊燬
各處佃人藉口拖欠致未修復至同治十二年經
南鄉廩生張炳生員李龍章等將固院曾姓所耕
田租二十餘担變賣漸次修復佛殿渡船今有渡

粵都縣志

卷之六

關津

二十三

船二俱南鄉八堡及水鏡堡衆坊贍

東門外窰腦渡四

固院衆坊一白口衆坊一

各有田

租以備修船渡夫之費

白口渡衆贍

潭頭墟渡

三峯埧衆坊贍

雞栖渡一

有花利數担首事劉順直

梓山渡四

梓山村一衆坊贍花利數担首事劉尚賢等
雞栖村一衆坊贍上吉八坊一夏山村一

贍田租十五担田六十餘石

水花灘渡一

衆坊贍

丞口江渡

衆坊贍

花橋渡一

衆坊贍

齊茅渡一

易錫贍

株田渡

衆坊贍

北河烏株渡

蕭麗容堂贍

橫石渡二

孫宅一定一堂一

黃金潭渡二上 花利口李煥堦張口盛福陳允安璠瑞共

胡屋墟渡二上 渡口方元福贍租五担 下渡口衆贍

水頭墟渡二謝育 歲華堂贍

蝦蟆石渡謝宅贍 潮泥灣渡衆坊及郭宅贍

桃坑渡衆坊贍

段屋墟渡三段錦雲一王葆真妻管氏一俱有田租

車頭渡二衆坊一王道順堂一俱贍田租

龍頸壩渡蕭姓衆贍

寒信峽渡二蕭寬國量英贍

黃沙渡衆贍 藥口渡衆贍 孤潭渡衆贍

粵都縣志

卷之六

關津

二十四

石馬口渡衆贍 汾坑渡二衆坊一劉欽宦一

鯉汾渡二衆坊一謝姓一

曲洋渡三衆坊贍

西南

小西門渡四南郭鄉衆魁堂一一水鏡各贍衆坊租一黃姓一黎

龍門前渡

新洲前渡

河田渡

埠前岡墟渡

小溪口渡

羅垵渡

高灘渡

三門灘渡

羅家渡河頭義渡三

衆坊贍

峽山渡

論曰大易之繇曰地險山川邱陵又曰王公設險以守其國兵法所云可勝者攻不可勝者守其關之謂乎古者關有關吏而津亦有津吏降及唐時猶上津置尉一人下津置尉一人關以譏異民而津以濟病涉典亦鉅焉

雩都縣志

卷之六

關津

二十五

國家承平日久民不煩譏而涉皆利濟觀於吾雩可因指而見膚矣

茶亭

龍門亭在邑西人郊 凌雲亭在長樹下里 鍾世德堂龍

建贍田 餘慶亭在長贍田里 牛軋嶺寶溪鍾德宣

樂善亭在贍田 慶善亭在長贍田 虎頭茶石

善後亭在長廖成塘灣 賴復祥鍾榮學堂王容光堂黃振在

頌彭華共建置 延年亭在長兄弟建上 逕田監生李

花萼亭在長樂里 欄杆前冷水坑口寶溪監生鍾學

相龍亭在長興十担 樂以二里交界橋頭垵眾坊

孝義亭在長興石里 琵琶龍黃田石孝子李春對臺建贍

資子坑田早載九伍升共計合田在長樂担里十為甲李華馨茶戶之

粵都縣志

卷之六

關津

又二十五

每年燒茶人完納

蔭濟亭在古田坪張稱奇兄

翠峰亭在青坎里甯田 施之茶間立碑以垂久遠內眾建茶

梅嶺亭在坎田 梅子嶺坎田 樂善亭在賴村宋嗣

黃沙茶亭在謝山村 建賴村 慈惠亭在水西黃華祝

福善亭在狗子華嶼 建上 善餘亭在北鄉狗子腦脚

善慶亭在昆鄉 建打贍田 職茶員 慶餘亭在北鄉高進嶺

兄弟建贍 永善亭在長興里 洋河橋邑紳張德

餘慶亭在生長興里 田屋堡施垵上 代松亭在長興社里

林坪張祖棐 獅石背風雨亭監生張用光妻譚

慶善亭在銀坑壩 茶下周禮茂等 保慶亭在堡安大富坪里

建腦贍田時施行茶堂
飲甘亭
贍在南鄉茶夾嶼王啟唐建

小憇亭
論在南人鄉捐小溪置天字凍茶同治五年知縣邵椿齡

餘蔭亭
衆縣坊南建八置十里施斷鼠甲木梓垵

中堡亭
衆縣坊南建五置十里施禾豐中堡甘泉亭
衆縣坊西南烏坑

裕後亭
建在贍東田鄉施上茶堡劉德松
拯濟亭
衆在坊東建鄉馬蹄逕

樂善亭
衆在坊東建鄉置上田吉施八坊蔭善亭
衆縣坊東十里杉樹下

望梅亭
建在北田鄉施茶樹垵衆坊濟善亭
水縣坑北施四十里洪

上吉亭
段在賢崇泓賢堂八建坊下茶逕口

延壽亭
贍縣東十北八畝十為里施躍茶之分水垵監生管傳彬建

驛站志

驛舖

雩都原設六驛曲洋平頭峽山丞口龍門上官又水夫三十名俱久廢明邑人袁淳有減水夫議詳藝文今僅存四路舖兵共設二十二舖共舖兵四十三名每年工食銀貳百三十二兩二錢逢閏加銀壹十九兩三錢五分

縣西通贛縣四舖

下耆舖二十里 道仁舖四十里 三門舖四十里
峽口舖六十里

雩都縣志

卷之六

驛站

二十六

縣東北通甯都十二舖

黃金舖二十里 禾溪舖四十里 紫微舖六十里
仙霞舖八十里 銀坑舖一百里 洋河舖一百二十里 橋背舖一百四十里 葛垵舖一百六十里 半逕舖一百七十里 東塘舖一百八十里 印山舖一百九十里 黃沙舖二百一十里

縣東南通會昌六舖

水鏡舖三十里 石下舖四十里 又干舖六十里
梓山舖三十里 洽江舖五十里 大甯舖八十里

鹽法志

鹽鈔

鹽鈔之法起於五代計口散鹽隨絲徵錢因名蠶鹽
宋罷散鹽第令納錢

明制官吏市民口賦食鹽納鈔鄉民口賦食鹽納米
國朝康熙五十二年詔定例食鹽課永無加增計共一千
八百七十二口每口徵銀八厘八毫三絲七忽六微
一纖三沙二塵四埃七渺八漠遇閏依例加徵至雍
正五年將此銀攤入地糧帶徵迄今不改

粵都原食粵鹽康熙十七年改食淮鹽二十五年十

粵都縣志

卷之六

鹽法

二十七

一月內復奉文改食粵鹽至四十八年己丑更定鹽
法粵都餉鹽額引共四千二百道共銷鹽一百一十
萬八千八百觔每道引徵餉銀六錢二分五厘四毫
五絲一忽九微共徵銀二千五百八十四兩八錢九
分七厘九毫八絲 每道引徵筭稅銀一分二厘四
毫一絲五微七沙七塵三埃共徵銀五十二兩一錢
二分四厘一毫三絲二忽四微六纖六沙八塵四埃
又各引餘費共增銀一千零三十一兩一錢三分三
厘七毫六絲二忽零六沙六塵
共計每引三項該徵銀八錢七分三厘三毫七絲四

微四纖六沙三塵三渺三漠共還納餉銀三千三百六十八兩一錢五分五厘零商人納餉運至雩地銷售所有鹽額俱係散發各子店售賣聽民自便並泮按戶稽銷

按引配鹽有河有隻有分一百五十觔為一分一千五百觔為一隻一萬五千觔為一河雩鹽共計七十三河九隻二分每河鹽除簍稅餘費其正餉銀土商赴場商交兌以上係潮橋散鹽裝船運至艾壩之例道光初年艾壩轉裝小簍運至羅塘局局給揮票運至雩都地頭子店售賣名為餉鹽雩都每年額銷正

引一十六票八分每票二伯五十道計小簍八千八百五十二簍每簍十三斤近來生齒日繁正引不敷埠商稟請分司將各埠存留之鹽借銷融銷以濟民食必俟正引銷完後始准融借督銷官宜清查水程餉鹽有官單分司給發有水程兩廣運使給發由齊茅卡司事送縣切角過印批回有引紙部頒亦由司事送縣過印批回以便稽查督銷正引如正引銷不符額知縣有考成處分

鹽規經康熙六十一年題定派捐銀三十五兩雍正八年奉文以前題定之銀每年批解本府轉解布政

司充佐雜養廉之用

又興甯平遠二埠之鹽近年奉文許小販肩挑融銷於邑之上五里註明揮票一體通行不得攔阻亦不得越境售賣

乾隆十四年因商人拖欠餉銀鹽引未銷十五年令梁德隆詳請斥革埠商另委賢員行帑十六年六月內奉廣省督院行分司撥配十四年分額鹽交縣督銷旋又奉文交縣督運而零之更餉鹽為帑鹽自此始後仍招商接頂搬運納餉至今不改

論曰鹽之行於兩粵者東曰餉西曰稅餉以餽軍為

義稅以權商為義皆辦自商人而以官行之更名為帑帑國儲也終事守財亦下之義然縣官以牧民為任不當與民較利況於千百里之間深坑絕磴叢篠密箐私夥百出為弊縣官不能悉察且鹽七沙三行帑亦有流弊故鹽法斷以辦自商人取義餉稅為正

古蹟志

灌嬰壘漢高帝六年定江南因南越尉趙佗犯境嬰將
兵擊之築壘於雩山之陽四十里據舊志求之為今
縣治地

秘書樓唐進士賴斐辭校書不就歸結樓自讐書史後
人仍名之曰秘書按舊志載秘書坊在水南樓宜在
其中或云今之義渡庵相傳為其樓基址

遜閣宋王鴻築室需巖肥遯四十年遜閣在其中鴻自
稱石軍二十四世孫工書法得樂毅論真本鐫石藏
於遜閣而自書其後又好鶴嘗得相鶴經石刻并鐫

雩都縣志

卷之六

古蹟

三十

於壁

望需亭城西隅宋知縣張宗諤招邑高賢於需巖弗能
致乃築亭望之高賢即王鴻

萬松庄宋八行進士陳維教授鄉里闢萬松庄庄之中
曰浚堂堂之粵曰頤閣自為箴揭於壁隱士王鴻與
友而為之贊按其地在密園當即今之密坑也

景葵堂明交趾僉憲郭端所築在衙背街郭屋井右明
學士解縉題兩道風霜扁其門今扁存堂廢

適軒明順慶府教授袁端以母老致仕歸母喪後竟不
起優游林下四十年擇地西郊瀕河處構軒自適名

曰適軒

萬松書屋明廣東兵備袁慶祥致政歸築地今無考

北郭草堂明隱士李期厚築有松竹禽魚鼓角水雲之

景出北門左折迤邐隨街而西盡於壕塘溯流水百

步即其地今為來香閣已三易主矣

勅書閣明僉都御史李涑自應天巡撫致政歸以祖所

遺舊居藏誥勅扁曰勅書閣因族祖廣東巡按應壽

有手書御史箴移置左壁公卒子孫又以公所為大

婚疏書於右壁配之地在承天寵命坊左南下二十

步

零都縣志

卷之六

古蹟

三十一

零陽十景曰紫陽甘泉

東門外紫陽觀有井

川江夜月

東門外紫門

陽觀前有中州莫解元居此

龍門夜雨

小西門外龍門前

吳僧翠竹

大門外西

福田寺

青山瀑布

縣東南十五里青釣山

烏石沙圖

縣西十里烏石背

雞唱曉烟

水南流陂口鷹子寨原名金雞山

明珠吐輝

縣西七十里峽山

三峽暮雲

縣西四十里白雲堆

梁仙古檜

縣南二十里斗巖

解元李睿易名一曰瑞蓮池影

縣北古田坪有瑞蓮池

二曰烏

石沙圖三曰三洞堆雲四曰雙江分月五曰龍門夜

雨六曰蛟窟宵燈七曰隔日靈泉八曰應時瀑布九

曰仙巖古檜十曰僧榻竒篁

青雲閣宋皇祐間邑人朱申所建

參府志增

觀政讀書味道深靜午陰翠葆問花濯錦凡八亭皆在
縣治宋時建見袁淳記

勤政樓在縣治前明嘉靖時知縣羊修移禁鐘於此萬
曆時災知縣劉昌祚重建顏曰勤政李涑記

國朝康熙時燬知縣趙愷重建

論曰自有此宇宙便有此山川山川長存而人物之
托處轉瞬已非然叔子一登峴山而後人思之至為
墮淚地且以人傳矣若夫手澤之遺得之者徃徃低
徊流連愛玩不釋雖其蹟無存而猶將搜求其名紀
於藏書之府况於咫尺之地名賢遺軌鄉先哲之流
風餘韻猶存於荒煙蔓草之中其何能不繫於懷也
哉表而出之以為一邑之典故焉

零都縣志

卷之六

古蹟

三十二

封典志

明

溫與可良珪父贈山西道監察御史

譚氏良珪母封孺人

袁端慶祥父贈刑部廣東司主事

孫氏慶祥母封安人

劉氏慶祥妻封安人

謝文亮甯父贈廣東都司經歷

馮氏甯母封安人

曾氏甯妻封安人

零都縣志

卷之六

封典

三十三

李蘭秀璵父贈金吾衛經歷

黃氏璵母封孺人

蕭氏璵妻封孺人

嚴克振鉢父贈太僕寺寺丞

曾氏鉢母封安人

王氏鉢妻封安人

張 禹璟父贈南京興武衛經歷

孫氏璟母封孺人

李氏璟妻封孺人

管 麟登父贈廣州府通判

曾氏登母封安人

袁氏登妻封安人

何 潛廷仁父贈南京工部主事

孫氏廷仁母封安人

李氏廷仁妻封安人

孫 琇溥父贈孝陵衛經歷

何氏溥母封孺人

邱氏溥妻封孺人

謝氏溥妻封孺人

周 鼎文父贈知縣

零都縣志

卷之六

封典

三十四

謝氏文母封孺人

趙氏文妻封孺人

謝氏文妻封孺人

宋英卓邦栢父贈南京豹韜衛經歷

黃氏邦栢母封孺人

劉氏邦栢妻封孺人

熊氏邦栢妻封孺人

李 鈞涑父贈寶應知縣晉贈戶科給事

劉氏涑母初封孺人晉封孺人

易氏涑妻初封孺人晉封孺人

邱行辨應揚父贈廣武衛經歷

熊氏應揚母封孺人

黃氏應揚妻封孺人

王邦弼興化父贈遠安知縣

方氏興化母封孺人

方氏興化妻封孺人

國朝

馮 仲榮祖 贈懷遠將軍

胡氏榮祖母 封淑人

馮時惠榮父 贈懷遠將軍

粵都縣志

卷之六

封典

三十五

易氏榮母 封淑人

羅氏榮妻 封淑人

黎時肅文蒸父 贈修職郎臨江府學訓導

張氏文蒸母 封孺人

蕭欽讚錫陞父 贈登仕郎廣東高州永安倉大使

黃氏錫陞母 封孺人

蕭輝翰一枝父 贈修職郎南昌府奉新縣教諭

晉贈文林郎四川萬縣知縣

袁氏一枝母 贈孺人

蕭良璋懿父 贈修職郎

譚氏懿母 封孺人

管生煜字融烈樂祖 贈文林郎 晉贈中憲大夫

湖北黃州府知府

胡氏樂祖母 贈孺人 晉贈恭人

管天樞字次斗樂父 贈文林郎 晉贈中憲大夫

湖北黃州府知府

李氏樂母 封孺人 晉封太恭人

宋日桐字鳳依昌芹祖 贈奉直大夫禮部主客司

清吏司主事

謝氏昌芹祖母 贈宜人

雩都縣志

卷之六

封典

三十六

嚴氏昌芹祖母 贈宜人

宋啟仕字又夔邑庠生昌芹父 誥封奉直大夫禮

部主客司清吏司主事

李氏昌芹母 封太宜人

宋日瀚字輝京昌琤祖 贈文林郎 晉贈朝議大

夫陝西榆林府葭州知州加知府銜

溫氏昌琤祖母 贈孺人 晉贈恭人

彭氏昌琤祖母 贈孺人 晉贈恭人

宋啟權字步程昌琤父 封奉直大夫 晉贈朝議

大夫陝西榆林府葭州知州加知府銜

江氏昌琚母 封太宜人 晉贈恭人

曾氏昌琚妻 封宜人 晉贈恭人

宋昌琨字劍才昌琚胞兄 封奉直大夫

何氏昌琨妻昌琚嫂 封宜人

宋啟攸字健亭 恩貢生華國父 贈修職郎甯都

州石城縣教諭

譚氏華國母 封太孺人

宋啟傳字周謨副貢生昌恂父 封儒林郎湖南武

岡州州同

康正任緒祖 贈文林郎 山西平定州孟縣知縣

雩都縣志 卷之六

封贈

三十七

康同祓字封吉舉人緒父 贈文林郎山西平定州

孟縣知縣

譚添甲源祖 贈武德郎

蕭氏源祖母 封宜人

譚宗經源父金誥祖 封武德郎 晉贈中憲大夫

雲南賓川州知州

劉氏源母金誥祖母 封宜人 晉贈恭人

譚捷斌金誥父 贈奉直大夫雲南賓川州知州

晉贈中憲大夫

何氏金誥母 贈宜人 晉贈恭人

陳氏金誥母 封太宜人 晉封太恭人

譚廷珍金誥胞兄 貤封奉直大夫雲南賓川州知

州

蕭氏廷珍妻金誥嫂 貤封宜人

譚明苑仁慎父 封奉直大夫

蕭氏仁慎母 封太宜人

譚仁慎 封奉直大夫

羅氏仁慎妻 封宜人

段世鸞廷遴祖 贈文林郎瑞州府學教授

劉氏廷遴祖母 贈孺人

零都縣志

卷之六

封典

三十八

段 秀廷遴父 贈文林郎瑞州府學教授

蕭氏廷遴母 贈孺人

葛元佐滙川父 贈修職郎南安府崇義縣教諭

謝氏滙川母 贈孺人

劉氏滙川母 贈孺人

李聖裁字泗傳舉人 起翀父 贈修職郎饒州府

餘干縣訓導

康氏起翀母 贈孺人

劉鴻官定芝父 贈修職郎廣信府廣豐縣訓導

李氏定芝母 贈孺人

吳 勳江年父 贈奉直大夫

陳氏江年母 贈宜人

吳江年捐授同知銜 封奉直大夫

管氏江年妻 封宜人

易有恪軾父 贈修職郎九江府彭澤縣教諭

管氏軾母 贈孺人

易兆綺開暢父 贈修職郎南昌府南昌縣教諭

宋氏開暢母 贈孺人

邱懋劫道周父 贈修職郎

曾氏道周母 贈孺人

零都縣志

卷之六

封典

三十九

嚴興院 恩貢生長宦祖 贈奉政大夫甘肅洮州

同知

鄒氏長宦祖母 贈宜人

唐氏長宦繼祖母 贈宜人

嚴正綸長宦父 贈奉政大夫

宋氏長宦母 贈宜人

嚴正緯附貢生長宦生父 贈奉政大夫甘肅洮州

同知

管氏長宦生母 封宜人

嚴長寶附貢生長宦胞兄 貤封文林郎

周氏長宦嫂 貽封孺人

蕭孫清大懋祖母 贈武信佐郎

蕭坤戴大懋父 贈武信佐郎
高氏大懋母 贈安人

管尚毫字居聖邑庠生德松祖 貽贈儒林郎

李氏德松祖母 貽贈安人

管商連字殷重德松父 勅贈儒林郎

李氏德松母 勅贈安人

管德松宗銑祖 貽贈奉直大夫

王氏宗銑祖母 貽贈宜人

杜氏宗銑生祖母 貽贈宜人

零都縣志 卷之六

封典 四十

管遇春宗銑父 誥封奉直大夫 貽贈朝議大夫

吳氏宗銑母 誥封宜人 貽贈恭人

李聖晋朝侃祖 貽贈儒林郎

謝氏朝侃祖母 貽贈安人

李君祥朝侃父 勅贈儒林郎

賴氏朝侃母 勅贈安人

何學概戴仁祖 貽贈朝議大夫

黃氏戴仁祖母 貽贈恭人

郭氏戴仁生祖母 貽贈恭人

何步輝戴仁父 誥贈朝議大夫

黃氏戴仁母 誥贈恭人

洪金安霖祖 貽贈朝議大夫

劉氏霖祖母 貽贈恭人

洪亮廷霖父 晉贈朝議大夫

彭氏霖母 晉贈恭人

張昌倫炳祖 貽封奉政大夫

湯氏炳祖母 貽贈宜人

張昭迪炳父 晉贈奉政大夫

楊氏炳母 晉贈宜人

管尚愜韶祖 貽贈奉政大夫

零都縣志

卷之六

封典

四十一

郭氏韶祖母 貽贈宜人

管祖屏韶父 贈奉政大夫

曾氏韶母 贈宜人

易遇泰鵬翔祖 貽贈奉政大夫

聶氏鵬翔祖母 貽贈宜人

易捷元鵬翔父 誥封奉政大夫

郭氏鵬翔母 誥贈宜人

王氏鵬翔生母 誥封宜人

陳策功宗舜祖 貽贈徵仕郎

劉氏宗舜祖母 貽贈孺人

陳類州宗舜父 敕贈徵仕郎

劉氏宗舜母 敕封孺人

李九彩飛熊祖 貤贈奉政大夫

賴氏飛熊生祖母 貤贈宜人

羅氏飛熊繼祖母 貤贈宜人

李春臺飛熊父 誥封奉政大夫

賴氏飛熊母 誥封宜人

郭亮魁超羣祖 貤贈奉政大夫

丁氏超羣祖母 貤贈宜人

郭松林超羣父 贈奉政大夫

零都縣志 卷之六

封典

四十二

江氏超羣母 贈宜人

葛錦春瓊林伯父 貤封奉直大夫

陳氏瓊林伯母 貤封宜人

葛其香瓊林父 晉封奉直大夫

宋氏瓊林母 晉封宜人

李朝任廷瑛父 勅贈中書科中書銜

謝氏廷瑛母 勅贈孺人

管宗堃文萃父 誥贈朝議大夫

王氏文萃母 誥封恭人

管宗煥文萃胞叔 誥贈奉政大夫

瞿氏文萃叔母 誥封宜人

管宗泉文萃胞叔 誥贈奉政大夫

蕭氏文萃叔母 誥封宜人

鍾德宣彪祖 貤贈奉政大夫

朱氏彪祖母 貤贈宜人

陳氏彪生祖母 貤贈宜人

鍾育華彪父 誥贈奉政大夫

謝氏彪母 誥贈宜人

葛氏彪繼母 誥贈宜人

謝雲章監生鳳喈祖 貤贈奉政大夫

雩都縣志

卷之六

封典

四十三

氏鳳喈祖母 貤封宜人

謝蔚華鳳喈父 誥封奉政大夫

溫氏鳳喈母 誥封宜人

曾泰臨鄉飲大賓際隆父 誥贈奉政大夫

林氏際隆母 誥贈宜人

曾秀升監生際隆胞兄 貤封奉政大夫

陳氏際隆胞嫂 貤贈宜人

王氏際隆繼嫂 貤贈宜人

謝鴻略雲龍祖 貤贈武德騎尉

鍾氏雲龍祖母 貤贈宜人

劉氏雲龍生祖母 貽贈宜人

謝起觥雲龍父 誥贈武德騎尉

鍾氏雲龍母 誥封太宜人

謝鴻昆懋宣祖 貽贈朝議大夫

張氏懋宣祖母 貽贈恭人

李氏懋宣生祖母 貽贈恭人

謝庭香懋宣父 晉封朝議大夫

曾氏懋宣母 晉封恭人

管萃朋用汝祖 貽贈奉直大夫

楊氏用汝祖母 貽贈宜人

零都縣志

卷之六

封典

四十四

管德球用汝父 晉贈奉直大夫

邱氏用汝母 晉贈宜人

謝繼芳廷瑛父 晉贈奉直大夫

朱氏廷瑛母 晉封宜人

劉氏廷瑛妻 封宜人

陳廷弼勝基祖 貽贈儒林郎

蕭氏勝基祖母 貽贈安人

陳善實勝基父 勅封儒林郎

黃氏勝基母 勅封安人

劉秀珍發祥母

例贈修職郎
例封孺人

恩賞耆壽職銜

附五世同堂

丁 銓 李逢昌 曾元音 李乃成

李貫唯東二坊人樸茂無華教子成立年九十餘精

神矍鑠

李宗植 劉人潔 李運明 葛明聖

葛祖組 康魁傑 劉名綸 嚴訓童

楊本渤 李雲華 李亨元 李麟書

李虞照 李 西 李珍也 華錦上

胡奕萬 胡理明 胡立仁 孫樹堂

孫次侯 孫貢九 孫訓禧 孫體亮

零都縣志

卷之六

耆壽職銜 四十五

謝儀舜 胡良臣 吳兼五 鄒恭承

鄒含宇 鄒重習 孫裕明 邱又袂

謝漢夫 謝永交 劉得官 劉念亭

蕭斯暄 蕭帝卿 王維錦 盧載書

蔡士攀 蕭帝常 朱錫享 鍾國瓊

鍾國勳 王定選 張宗秀 陳尚拱

鄧名奇 陳文中 袁祥應 張次航

張芳菊 孫達椿 陳善言 葛德聖

孫輝賓 孫輝宸 劉陞侯 唐連拔

劉定隆 劉通華 李愈傑 李念祖

王珍紳

王常褚

劉憲章

劉接亭

劉近廷

楊世遇

劉貞迎

劉貞近

劉貞宇

鄒紹珠

鄒相宜

鄒拱宸

鄒萃寰

何彝恂

何彝註

何世福

何世謀

何世偉

何勵行

何萬帘

溫利文

段光顯

康含錦

康裕軒

康仁謹

康載謀

蕭勝三

劉明遠

謝先彩

謝德珍

謝德琦

謝德瑋

謝青林

謝協從

謝先誠

謝廸德

謝祥貴

謝文翰

鍾明璠

鍾象誥

零都縣志

卷之六

耆壽職銜

四十六

鍾亨性

鍾象燕

鍾周京

鍾繼遠

鍾元榮

謝世鑣

謝鴻眺

謝兆侶

謝鴻遵

謝鴻映

謝鴻顯

謝鴻昇

管繞春

管天鸞

管啟鳳

管尚恂

王珍紳

管希曾

蕭大松

蕭純一

蕭大窘

蕭兆邦

蕭殿榜

蕭日桓

謝兆萬

蕭貯芳

蕭日琳

蕭熙載

蕭歡儒

蕭大律

蕭相鄭

蕭紹希

葛德億

葛德泗

蕭天恬

王文臣

蕭天珉

蕭子溢

蕭有斐

蕭昌惺

蕭昌百 蕭天桃 蕭子悟 蕭昌僎

蕭子愈 蕭亨 蕭雨田 蕭子和

蕭昌儀 蕭揚謨 蕭子沼 蕭昌侑

蕭昌葉 蕭昌儻 蕭昌苞 孫積財

孫聖居 李玉芳 謝待旦 謝仁懷

孫秀亭 李振也 楊乘機

劉亦堂 年登百歲 謝本立 年登百歲

五世同堂

溫立常字克憲虎井人五世同堂詳見義行

葛德作葛垵人義訓有方子孫林立年九十一五世

粵都縣志 卷之六 耆壽職銜 四十七

同堂子青雲九品銜壽九十歲孫鵬曾孫詔俱邑

庠生

謝世鈇長樂里人監生年八十四夫婦齊眉五世同

堂賜五桂聯芳額

李光國水頭里人邑庠生年七十三五世同堂

宋佳龍字馭天監生賴村人年八十五五世同堂

蕭祥颺年九十四夫婦齊眉五世同堂

謝大慈長安里人年八十夫婦齊眉五世同堂

黃閱霓東塘人年八十七五世同堂

黃兆選東溪人治家有法六世同居

新增

廖諦栢麻油坑人壽登百歲好善樂施恩賜修職郎

雷宏秀羅家渡人壽登百三歲

鍾香遠長樂里寶溪人壽九十三歲五世同堂

謝曜蒼長樂里固溪人壽九旬餘五世同堂

葛燕珠耆壽葛德緋耆壽俱葛垵人

孫占魁磔下甲人壽八十八歲五世同堂

賴萬謨古木甲人壽八十五歲五世同堂

鍾明衢禾豐人現年九十八歲精神矍鑠鶴髮童顏

粵都縣志

卷之六

耆壽

四十八

四

張次航南鄉峇嶺人性善樂施行端心直素以木商

遊江左年五十餘途遇婦哭抱幼子哀甚問其故

婦謂夫欠糧將鬻妻子以償命蹇至此故哭翁乃

命婦喚夫至事果如言翁聞之心惻輒予囊金五

十家賴以全翁壽九十八歲卒人咸謂陰德所致

云